

Kuhamba uye kulenye indzawo

Ibhalwe nguZaheera Jina Asvat | Imidvwebo idvwetjwe nguJulie Smith-Belton

Ngihlala malungana nagogo wami etjanini. Sibukela sibungu sigucuka siba luvivane. Gogo utsi loku kubitwa ngekutsi yimethamofisisi kugucuka kwesibungu sibe luvivane. “Methamofosisi.” ligama lelikhulu.

“Bukela, Yusuf,” Kuhleba Gogo.

Loku lokusamagobolondvo lapho lesibungu sibhace khona ayacetuka kuvuleka kancane, lucetu ngelucetu, kuze kube ngulapho kuphumela ngaphandle luvivane lolubovu nalokumnyama. Loluvivane luyaphumula sikhashana, lomisa timphiko talo, ngemuva kwaloko lubhula timphiko talo luyandiza luyahamba.





Make utsi sidzinga kusuka siye kulenye indlu laphe
kunikolo letincono khona. Loko kungivisa buhlungu.
Besihlala naGogo sonkhe sikhatsi. Uma sisuka siya
kulenye indzawo, lengadze lensha kungenteka kutsi
ingabi yemlingo njengalena. Kungenteka kutsi ngibe
ngedvwa kulendzawo. Ngivesaba.

Gogo utsi tonkhe tidalwa temvelo tiyatalwa, tikhule,
bese tiyahamba tiya kulenye indzawo. Tinyoni tenta
njalo, nato. Tiyesuka etindzaweni tato tiye etindzaweni
letifutumele ebusika. Lelikati lelijinja lelibhungukile
lebelilala kulomgodzi wetfu wesihlabatsi, nalo lahamba
laya kulenye indzawo.

Ngifisa kwati kutsi ngitawukhula ngibe ngubani.
Ngabe ngitawuhamba ngiye kulenye indzawo? Angifuni
kwenta njalo.

“Buka, Yusuf!” kwasho Gogo kakhulu. Elubondzeni, lokusibukako, likati lelijinja. Lizuphela phansi libese liyahamba liya kulomgodzi wesihlabatsi. Liyatigoca kulesihlabatsi. Likati letfu lelibhungukile libuyile ekhaya.

Ngincuma kutsi kungaba kuhle nangingahamba ngiye kulenye indzawo, nami. Ngingahlala njalo ngibuya ekhaya kulengadze yaGogo yemlingo.



Kuhamba uye kulenye indzawo

Ibhalwe nguZaheera Jina Asvat • Imidwebho idvvetjwe nguJulie Smith-Belton

Imibono lokungakhulunywa ngayo

Yusuf uhlala namake nagogo wakhe. Uhlala nabani?

Cabanga ngetingucuko lohlangabetene nato emphilweni yakho. Wativa unjani ngaletingucuko ngesikhatsi tenteka emphilweni yakho? Manje utiva unjani ngato?



Lokubukwako

Bukisisa lesitfombe kulamakhasi ekucala lamabili alenzaba. Ungatitfoli:

- ★ tinyoni letintsatfu
- ★ tibungu
- ★ luvivane
- ★ tayobe letimbili
- ★ tinambistimatsi tesibungu




Kufundza

Lena yindzaba lemayena nekuntjintja noma-ke kugucuka. Ungatitfoli yini tonkhe tingucuko letikhona kulenzaba Yusuf latibonako noma laticabangako?



Kubhala

Bhala inkondlo letinhlavu
letakha emagama
lemayelana nekugucuka.
Cala umugca ngamunye
wenkondlo ngeluhlavu
loluku "ingucuko",
kanjena:



I
N
G
U
C
U
K
O

Umsebenti wetandla

Yakha luvivane. Goba likhasi leliphapha libe yihhafu. Penda emacashati kuyinye ihhafu yaleliphapha bese uyagoba leliphapha kute kutsi lependi apende nakulena lenye ihhafu. Vula leliphapha. Uma lependi asomile, dvweba lomnye lewivivane lelivule timphiko kuleliphapha lelipendiwe. Sika ukhiphe lobunjwa weluvivane. Namatsisela lencenye lesemkhatsini kuroli yeliphapha lasemthoyi. Faka timphondvo letakhiwe ngeliphapha noma tifasamaphepha.



Kulingisa

Dla ulingise umjikeleto wemphilo yeluvivane:

1. sibungu lesihamba ecembeni futsi lesilidlako
2. sibungu senta siphungamathi
3. sibungu ngekhasi kusiphungamathi
4. siphungamathi sivula bese luvivane liyaphuma
5. luvivane lindiza.

